

Дунай гол деер

Балкан Карпатур шидрлэд
Баглрдж ирд хавчна.
Дунд таларнь дүүлэд
Дунай зулдж долъгална.
Тер чолун хавчурнь
„Төмр уудн“ нертэ.
Уй-уйин туршарнь
Уунд Дунай уулэтэ.
Чагчм чолун эргиг
Чичрулн цокдж урснач.
Цагин дуусн шуусн,
Цагъан көбсэри цахрнач.
Барун Европин бээдлэс
Бахта Дунай джигшнэ.
Добруджин чолуна хатугъас
Ду тавад чишкнэ.
Советин нутгт өördхлэ
Седклэри Дунай амрна.
Дүүрнь уста гол
Дунъгэдж нургънь тининэ.
Орх нарна сүүрэс
Орсин газрур урсна.
Урсхлнь сээхрнэ—ююнас?
Учрнь—манд орсна.
Ховдг байнас аадж
Дуулси угач ниднин.
Хоолчи цеврли бээдж,
Дуулий ода бидн.
Генуийн ятхч Паганини
Гейүрэд зэрмдэн гээхлэ,
Чини сээхн бээдличн
Чимглэд биивдэн мактла.
Бетховен—берк музыкант,
Бернэн, чивгъцэн диглдж,
Босн зогсал дуулдж
Болгъадж чамаг шинджлдж.
Дууч мана Пушкин
Дунай чамаг мактла.
Альви Земфира күүкн

Алекд дурлдж соктла.
Сар чилгр асхн
Сарул Дунайиг көвэлдж,
Циигн өвгн кезәнъкэн,
Цецн поэтд тууджлдж.
* * *
Хар тенъгсүр орнач
Хар угач, Дунай!
Хээртэ нутгт ирнэч,
Хэрнь дуулий, Дунай!
Сулдсн тег сунәнэ,
Сул гол мелмәнэ,
Советин Бессарабт ода
Соньн дун төрнэ.
Гарч йовх нарн
Газриг кевтиь дулатхна.
Дунай голин усн,
Дуунд икэр магтгдна.
Кер галзнам гүүдл
Ке сээхн ганъхна.
Чини усна нүүдл
Чееджин байр ханъгъана.
Урсич, сээхнэр урсич,
Урдкаси улмар сээхрич!
Эндр маниг уктич,
Энъкр „ура“ хээкрич!
Энъкр нутган харслцад,
Эн газрар ирвв.
Мөрн цергтэ хатрлцад
Мөрэн Дунаяс услвв.
Нутгинм джиргъл сээхн,
Нүднд герл өгнэ.
Байрта нутгин күүчн
Баатр зөрг өгнэ.
Дуулий, Дунай, хамдан!
Дурта иньгэн угтий!
Сээхр, Дунай, нандан,
Сээхн нутган мактий!

Москва, 1940 джил.